

中华全国图书馆

文献缩微中心



山西省图书馆 摄制

1989

原件收藏

山西省图书馆

原件书号

109509-16

原件状况

原件有部分字迹模糊

原件个别地方破损

原件有部分有污迹

[嘉慶]介休縣志十四卷

(清)徐品山 陸元鑣 修熊兆占等纂

清嘉慶二十四年刻本

八冊

部书共摄制 1 卷 卷一至卷十四

版权所有 不准复印

本部书开始

本片卷含：卷一至卷十四

兵祥

卷十

皇馬

晉城

防流

形勝

木堡

城池



請愛護此書簽勿令拆毀
山西省立新民教育館

重修介休縣志序

甲戌春介休新志既成其文崇

雅黜浮默寓扶救之意史才

而學識兼之矣蓋縣之得名

其山山之得名以其人自介之

推後若郭有道文潞公代有興

(109509)

05564



起古今移風易俗全賴前型矜式以啓迪於後然則邑乘之脩其所關於官斯民斯者詎僅操三寸不律漫為登削云爾耶欲使見之者共勵姪脩而寓以化導之意斯善矣邑宰徐君慨前

志之湮蕪重為增訂未及成書而引疾以去陸君寸園蒞任茲土公餘之暇旁搜博訪踵而成之二公之志存經濟以化民成俗為已任者若合符節將見政治日新風俗日上觀風土而知

習俗之恒觀人物而知前賢之
訓觀官蹟而知居官之宜後之
居斯土滄斯民者皆將於此志
乎是賴余於壬戌甲子兩權汾
郡茲之來又逾五年每見介之
俗慕義而循禮甲於郡屬而好

為浮夸時所不免尚賴守土者
善為化導邑之士君子立之標
準以仰副

聖天


子敦本崇實之意追踪于前賢
必有攀郭躋文而節義事功之
無懋者是誠余之厚望也夫

嘉慶十九年歲在甲戌暮春之
初

誥

授朝議大夫知汾州府事滄州

葉汝芝撰



序

志與史體裁同而立法異史為一代
垂典章志為一邑具文獻分門別類
毋鑿毋誇大小判而其例同也至於
臧否人物筆削維嚴一切大奸大佞
臚列之不稍假用昭信史而志則善
善從長凡行誼之不齒於鄉者概黜

弗錄漆園所謂邱里之言合十姓百
名以為風俗於屏棄之中寓懲創使
里社後生知所鑒戒非隱惡而仍無
溢美也則志特與史參異同亦豈遽
變其例哉癸酉秋余由壽陽量移茲
土號稱繁劇溯自隨會食采以來地
日闢國日強巖壑鍾靈達人代起公

餘求介子之田謁有道之阡尋鄂國
之壘訪潞公之間縱覽版圖橫泠劃
其北鯀岐擁其南河山表裏依然帶
礪盟存而蟋蟀杖杜之流風已渺不
可復問矣日進邑父老為詢利弊
議廢興而舊令尹徐君首以邑志閱
四十餘年不加修茲採訪已集曾屬

前任熊公兆占草未就經裁定者僅
十之三事中輟殊耿耿於心為余告
夫介比戶素封文物聲名甲於并冀
處易成之地謀當輯之書余不敏幸
踵徐君後敢不亟圖卒業爰邀陽曲
鄭孝廉起昌會稽陳明經廷球仍偕
熊公取通志府志諸載籍日夕討論

校讐補其未備整其未釐瑣者併之
混者剖之得卷十四繕請郡伯葉
仲田先生閱定謬蒙許可囑再為搜
羅藻飾徐君旋起病來晉復與考訂
增益遂成是編已知秋付剞劂焉余
維輿地記載之古莫如李吉甫所著
元和郡縣志而後賢猶譏其缺漏他

若剡錄齊乘舉重宋元迨乎有明偏
隅各叙其畧論者獨推朝邑志為絕
作次武功以其義例分明條目該括
能以少許勝多耳是編因陋就簡何
能盡刪繁蕪悉除勦襲上希史家之
秉筆而為縣上搜軼事泠曲拾舊聞
參互稗官折衷月旦即有古今聚訟

存而不論論而不議卒未嘗逞臆斷
焉書缺有間矣其視史大同小異有
當於志乘立法與通人博士之考證
與否則皆余之所不計也是為序
嘉慶二十四年歲在己卯八月既望
知介休縣事桐鄉陸元鍾撰



原序

志以紀往徵今也介志四十年來猶仍其舊沿革數易
豈足爲文獻徵哉余夙志纂輯媿立面牆二十六年得
王君一魁志草乃十九年以前者至二十七年夏余敬
以其事授學博陳君翔鸞適學憲辟主書院不得卒其
業未幾又量移徽州別駕去雖聊亦具草而討論未及
抑何難哉余不得已於暇日取舊志洎王陳草謬加刪
定卽事分類彙成一編大抵據覩聞爲實錄耳何恤乎
短淺何計乎知罪萬厯庚子三月渭南史記事撰
周制王朝及侯國咸置史官故曰晉之乘楚之檮杌魯

之春秋沛公入關蕭何收秦典籍知四方阨塞錢穀甲兵司馬遷易編年爲本紀世家列傳書表

昭代遴選辭臣纂修一統志薄海內外凡省府州縣之志責之有司討論維謹植承乏茲邑際會同文之治網

羅遺編咨詢故老拾遺補闕彙輯成書載稽班掾前漢書迄宋遼金三史之職方考及山海經水經注郡國志括地諸書皆地志也而旁通事文鳥獸草木與國史相表裏前哲云史職史才史學戛戛乎難哉先是明經侯詔封因後先舊志經緯起草今明經王之舟采遠近見聞蒐羅補苴孝廉降緯考求訂正植裁定潤色樂觀大

成焉於戲墳典邱索雖邈矣無存而左國史漢猶粲乎可覩東壁西園固忝生花之筆石渠天祿尚希稽古之榮遂共爲一書洵文獻之足徵各宣其力抑名實所具瞻也康熙三十五年丙子秋月榆陽王植撰

余既泄介之明年政簡俗誠邑紳僉以修志請謂自榆陽明府纂輯以來七十有餘載缺焉未續大懼典型失墜故老彫殘後世徵信爲難也余以謏陋自維弗勝願一邑文獻之垂所繫綦重職在有司雖欲辭之不可於是酌諸舊乘參以郡志通志與廣文雷李兩君爲之凡而起例又訪求遺彥淹貫典墳者得梁明經杰王

才佑任文學大廩茹參軍綸常相與採拾見聞討論故
實至今春屬草初就呈之郡侯孫公以爲體裁弗踰於
此宜芟蕪潤藻勒成一代之典以昭示來許因於公餘
之暇復摭胸臆訂訛補遺自夏徂秋而後卒業乃付梓
間嘗論之志之所重者首惟良吏次卽名賢有良吏則
俗易風移有名賢則可傳可法他若山川貢賦城郭井
疆不過按籍書其成迹無足動流連慨慕之思而介自
秦建縣迄於今茲志中所載卓卓不可磨滅者宰官在
晉惟魏昌賈公在明惟渭南史公人物於漢則郭有道
於宋則文潞公遙遙二千載屈指僅此數人餘或幸列
行間猝然詢之漫不省記嗚呼稱名不朽之難而筆削
之嚴亦可概見矣余承乏斯土風雨星好時虞一不得
當則公餼之覆悔不可追惟我

國家休養旣逾百年

今天子化周域外凡在民生罔不克遂邑在綏服之中
匹夫匹婦或典禮讓敦節義不勞令長施爲自安帝則
若余之手輯是編得積歲時而成者皆訟庭無事之明
驗也他日輶軒下採固知此邑之風俗人心猶然唐虞
三代之盛而文獻亦於是徵邑紳其或以余爲不事
此請也歟乾隆三十五年歲在庚寅暢月旣望知介休

縣事山陰王謀文自序於再思堂之西清

域中三大權史居其一而史才自古爲難志卽具史之體史難志亦難故雖隨時紀載要必洞悉民風周知得失凡沿革之由興除之用咸備焉斯爲善也介擅山河之勝自秦置縣以來或升爲郡或列爲州歷代掌故並稱要區我

朝仍明代之舊隸於汾州左控神京右通梁雍腹地之大邑也而四方商賈輻輳服物日就奢靡揆諸舊乘所載不禁爲之掩卷三歎要非宰官善政善教其能令風尚之遽復於古哉憶丁亥之夏冀寧觀察使徐公守太原時報最入覲僕適遇於外朝問晉中吏治曰某也賢某也賢皆能羽翼上官布昭

聖化而我叅軍王君明達善斷今以才猷薦異日作宰官必稱良吏心竊誌之明年秋王公果量移我邑不數月里人至此者咸謂公下車卽繕城濬濠建復書院有善必獎雖窮丐不遺有惡必鋤雖大猾不懼麗服有禁游民知警此真能作民父母有善政善教之實者乃大爲桑梓慶而信徐公之言爲不妄己丑冬公纂志將成以僕謬當邑望特遣人乞數言弁首嘉命雖殷自慚謫陋應之恐不得當顧志載人文風俗之盛衰寓善善

惡之微意有關於治術非淺鮮竊願得附片詞爲幸溯
邑志自蓮勺史公修於明季萬厯庚子泊榆陽王公葺
於

昭代康熙丙子一則約而該一則博而詳二公任我邑
無廢弗舉志乘猶切蒐羅苦心至今文獻是賴我王公
系出陽明先生之後文章政治並有淵源我知案牘之
餘廣徵博採運以班掾之筆凡民風得失沿革興除必
粲然而皆備非特繼蓮勺榆陽兩公而上之而史才於
是乎見而大權亦於是乎在僕歸里有日將登堂而卒
是編之業并樂觀政教之成也是爲序乾隆三十四年

歲在己丑長至後一日

詔舉經學

誥授中憲大夫詹事府少詹事兼翰林院侍讀學士國
子監祭酒邑人梁錫璵撰

介休縣志凡例

介休舊志修自乾隆庚寅迄今四十餘年事以時增缺而未載茲羅採縣事詳加訪覈續爲此編凡城郭之修治壇廟之建設職官之歷任選舉之姓氏賦役之更易人物之顯榮與夫孝義節行之可風者汰其太繁益所當載不敢誇多門靡亦不敢語焉不詳所有凡例條次於左

一分野爲修志之始事然星一度畧當三百六十里介維最爾何能相徵或謂參井或謂觜參終多指駁故分星仍遵舊志惟徵引過繁爲刪其泛濫以便觀覽

介休縣志
一介休沿革自漢以來倏郡倏州變易靡定舊志徵引頗詳爲徧參史志畧加增減至虞夏商三代屬并屬冀經史鮮徵故不復載

一疆域門舊志分類太多今將村鄉堡寨合爲一門祥異兵氛合爲一門衢巷坊表市集皆附於城池之後以免瑣碎

一塚墓舊志附於壇廟之下今移次古蹟後以歸一律職官中德政卓然者旣爲序其大凡列於宦績其或歲月久遠口碑猶在而實蹟難稽或悃幅無華不事更張而慈祥共戴皆於職名下註明以見不沒人善之意

一舊志有孝義而於忠節文苑不立專門茲爲補出蓋忠孝皆生人之大節而文章亦經國之大猷均宜專列以昭鄭重

一所載人物孝義有自爲傳者有不自爲傳而附見者各相其宜爲之從史法也

一人物門例不爲生者立傳而孝義列女則不盡拘此例蓋孝子節婦生前皆得請旌義行則事有實據善善從長固可節取無待統計其生平也

一四十餘年來列女甚多苦節幽貞實堪維係風化故

廣徵博訪備爲登記至於境當困約奉養舅姑孝蹟
彰著雖非苦節亦徵懿行在男子猶蒙 旌獎豈巾
幘反不表揚漢書所載列女不必盡係矢志栢舟者
也故孝義之婦亦爲收錄以昭史法

一舊志所載人物孝義列女語多繁冗特爲刪汰使歸
簡淨至於事實人名概不敢沒

一所載人物唯直書其實至於私褒溢美斷不敢出

一封廕志體但載祖父不載本身緣本身已詳選舉仕
籍兩門不應重述至妻從夫爵亦無庸更著其姓以
爲貴

一舊志於選舉後附列例貢茲查其由廩增附生出身
者登之其業經出仕及議敘職銜者則於仕籍中注
明亦不復登載以免重出

一仕宦由科甲出身者其官階卽注於科甲之下由貢
監吏員出身者皆列於仕籍惟訓導一官出身必由
廩生與他官稍殊故仍列於選舉門

一仕籍門由貢生出身者皆爲注明監生吏員則不復
注

一仕籍一門原以志官階也其年次之先後勢難遍稽
舊志所分總不免凌亂茲首列京職次列外官以爵

秩為序而年次則不復論

一 所載藝文必與邑地相比切否則泛而無當也故凡舊志所有奏疏詩序及泛常酬答之作悉刪去之

一 藝文有舊志勿備而應載者則為補入或見於舊志或作於當道而文未雅馴亦不復載

一 逸聞瑣事舊有雜志茲採摘諸書稽之近事稍為增入以資談故

介休縣志

鑒定

汾州府知府 葉汝芝

纂修

前任介休縣知縣 徐品山

介休縣知縣 陸元鏞

總校

汾州府教授 李發英

分輯

介休縣儒學教諭 王廷幹

介休縣儒學訓導 王之藩

督刊

介休縣典史 陳聖壩

叅訂

丁卯科舉人 賈凌章

庚午科舉人 侯樹屏

校對

候選布政司理問附貢生 李仙華

候選鹽大使附貢生 溫暄

採訪

恩貢生候補教諭 趙雲翔

廩膳生員 侯枚謙

廩膳生員 岳壽漳

廩膳生員 郭在岐

廩膳生員 李廷蘭

增廣生員 劉尚綱

附學生員 李季昌

附學生員 郭維新

附學生員 郭正宇

附學生員 宋上珍

總理

候選布政司經歷 李城

內閣中書癸卯科舉人 梁譽佐

候選布政司理問加二級 侯志勤

候選布政司經歷 張映垣

候補兵馬司正指揮 李白山

候選守禦所千總 胡廷弼

候選府同知 張應恒

續校

候選布政司經歷 梁叔咸

署壽陽縣儒學教諭 溫淑度

候選遊擊 侯敏中

候選布政司經歷 胡馥

承行禮書 張世仁

介休縣志目錄

卷一

星野

沿革

疆域

兵祥

卷二

山川

形勝
村堡

城池

關隘

驛站

防汛

水利

橋梁

古蹟

塚墓

卷三

學校

公署

壇廟

卷四

田賦

戶口 倉儲 鹽法

風俗

物產

卷五

職官

封爵

宦蹟

卷六

選舉

薦辟 舉人 進士 貢生 武舉
武進士

卷七

仕籍

卷八

封蔭

鄉賓

卷九

人物

卷十

忠節

孝義

文苑

寓賢

術藝

仙釋

卷十一

列女

卷十二

藝文
文

卷十三

藝文
詩

卷十四

雜志

介休縣志

圖考

古者左圖右史羅列几案披其文而考驗之瞭如指掌矣介隸汾號赤紫其間樓堞縱橫宮牆高敞延賓有館校士有場某墟里某關津隸鬼泮溇所控名山水凡幾與夫壤地之袤延廣狹遠近及樹木之為人愛惜者總攬形勢一一著諸簡端俾為政者得所觀覽不煩稅駕焉

介休縣志圖考總目

縣境圖

城關圖

城壕圖

村落圖

文廟圖

綿山書院圖

縣署圖

綿山圖

狐岐勝水圖

郭有道墓圖

漢槐圖

試館圖

武廟圖

射圃圖

賓館圖

張蘭清軍府署圖

虹霽橋圖

秦栢圖

縣境圖




南

南界沁源連界



東




北

城關圖


北

東



南

西





城濠圖

東

北



南





介休縣志

四



文廟圖



綿山書院圖



縣署圖




補山圖




狐岐勝水圖

南



狐岐山




西



南

郭有道墓圖

東




北

陳翠繪

漢槐圖




試館圖




武廟圖


秋春



射圃圖




賓館圖




虹霽橋圖



張蘭清軍府署圖



秦栢圖



介休縣志卷一

星野

星官書亡慮數十家皆以晉為參分野汾州晉之一隅介附其南特七十里之遙主參無疑或以古受封之日歲星所在為說夫春秋戰國地屢變遷三晉既析魏野何分秦拔西河參星誰屬故言躔度者要當以九州之分為正實沈之次參伐之分

占候

參為忠良孝謹之子明大則臣忠子孝安吉一曰參伐

山西
介休縣志
卷一
星野

一曰大辰一曰天市一曰鈇鉞又爲天獄又主權衡所以平理也又主邊城爲九譯故不欲其動也參白虎之體其中三星橫列三將也東北曰左肩主左將西北曰右肩主右將東南曰左足主後將軍西南曰右足主偏將軍古黃帝占參應七將中央三小星曰伐天之都尉也又曰七將皆明天下兵精也

躔度

宋天文志參十星距中星西第一星去極九十二度半漢天文志晉之疆候辰星占參伐

漢志歲星四月出太初在參伐

漢志歲星六月出甘氏在參伐

馬融上日食封事參居兌位屬西方其爲分野并州是也

漢五行志劉歆言傳曰時有毛蟲之孽參虎星故爲毛蟲

國語董因對晉公曰歲在大梁將集天行元年始受實沈之星也實沈之虛晉人是居所所以興也以辰出而以參入皆晉祥也

按左傳鄭子產曰高辛氏有子曰實沈遷於大夏主參臺駘能業其官顓頊嘉之封諸汾川由是觀

之臺駘汾神也實沈參神也介邑隸汾其爲參之分野明矣顧先後舊志或兼參井或兼觜參其說互異此無他河東爲觜參之分太原上黨爲參井之分茲邑適處其間遂紛紛牽引耳惟九霞蔡氏廣輿記但曰參分野正與左傳符合星野志曰汾在天文參度下八分二之餘卽圖書編所載亦然明天文志云汾州參分此可以證邑境之占星矣

沿革

自秦建郡縣漢因之而介休始名夏商以前屬并屬冀經史絕少考徵臆說無當也今述其名之著於傳記者斷自周始凡千八百餘年割裂變遷按籍可溯焉

周魯隱公五年晉翼侯奔隨六年逆翼侯於隨杜氏釋例隨城在汾州府界休縣東

晉文公襄公時爲士會食邑故稱隨會又稱隨季後

食邑於范亦稱隨范

見杜氏釋例

晉頃公時爲鄆縣左傳昭公二十八年晉分祁氏之

田爲七縣以司馬士彌牟爲鄆大夫杜氏釋例鄆城在界休縣東北二十餘里

戰國時屬魏 府志以郡屬趙引古地名之見於戰國策史記者曰臯狼曰藺曰離石皆趙邑以証之按後漢永和五年以匈奴寇掠西河郡南徙五百里治離石卽今永寧州西境臯狼藺更在永寧西北距介甚遙考史記魏世家梁襄王十三年秦取我曲沃及平周漢書地理志平周縣屬西河郡方輿紀要平周城在介休縣西四十里今介休西境止及二十里無平周城已割屬靈石是介休縣之屬魏傳記可據而臯狼藺離石與介遼絕不相涉可爲郡屬趙証下可
以証介休又汾陽縣志稱邑爲趙魏之分則分界卽應在汾陽介休更在汾陽東南七十里當斷以屬魏爲是故仍舊志

秦置界休縣因晉文公以綿上旌介子故名隸太原郡漢因之隸太原郡新莽改曰介美

後漢仍曰界休隸太原郡魏黃初割屬西河郡

晉改界曰介隸西河郡

北魏地形志皇始元年并州置太原郡領鄆縣後罷

通志後魏徙鄆城縣民居武城在今治東北四十五

里正與魏書符合

正平二年改縣曰平昌隸汾州五城郡 按五城名

京軍今蒲縣地

太和八年復置介休縣隸西河郡

孝昌二年為山寇擊破改隸晉州即平陽郡

永安中又改隸義州五城郡 地形志注義州寄治

汲郡界

東魏興和四年於縣置定陽郡仍置平昌縣隸晉州

按地形志有寧州注興和中置治汾州介休城領武

康靈武初平定武四郡 舊志孝靜帝時遷朔州軍

於汾州改南屬州介休仍屬焉

北齊天保中永安縣即孝義魏置省入介休通志舊志介休省

入永安二說互異而李百藥齊書亦無地理存考

北周改介休郡仍置介休縣治漢故城 大象中改介

休為平昌

隋開皇初郡廢復為縣仍隸西河十年析邑西南之地

置靈石縣義寧元年復置介休郡治介休縣兼領平

遙

唐武德元年以介休為介州二年為劉武周所據尉遲

敬德守之尋歸於唐貞觀元年仍改介休縣隸浩州

即汾州武德中改天寶元年仍屬河東道
改西河郡乾元元年改汾州

五代漢隱帝後為北漢分據地

宋隸汾州西河軍屬河東路熙寧五年省孝義縣入介

休元祐元年復析孝義縣

金隸汾陽軍即汾州改名以汾陽縣為西河屬河東北路金史地理志

河東北路汾州領縣五介其一也

元隸汾州屬河東山西道冀寧路初曰太原路後改冀寧路并小靈

石縣入焉 元志國初割靈石縣隸平陽之霍州仍

析置小靈石縣至元二年省小靈石入介休

明隸汾州府屬山西布政使冀南道

國朝康熙三年裁冀南道屬冀寧道餘因之

疆域

介方百里疆域非廣也乃入其市門塵閉撲地儼如都會負郭桑麻四郊衍沃無曠土村落星羅碁布烟火萬家鬱鬱葱葱井竈甲鄰治矣又境屬康莊往來冠蓋相望於道擁以關隘限以河渠洵乎腹地要區邑稱繁劇焉

縣在汾州府東南七十里省西南二百七十里至京一千四百五里

東西廣八十里南北袤八十里周二百八十里有奇東至馬壁村六十里入平遙縣界

西至義棠鎮二十里入霍州靈石縣界至靈石縣治
八十里

南至馬跑泉六十里入沁州沁源縣界

北至張家莊二十里入孝義縣界

東南抵關子嶺六十里入沁州沁源縣界抵沁源縣
治一百八十里

西南至興地村四十里入霍州靈石縣界

東北抵田堡村五十里入平遙縣界至平遙縣治八
十里

西北抵嶺壁村二十里入孝義縣界至孝義縣治三

十五里

形勝

史志東望蠶簇之山西距雀鼠之谷綿山峙其前汾水
經其後

王志綿山如玉屏拱照汾水如神龍迴繞儼然有帶礪
之勢故稱勝焉

王公設險以固其國則形勝尚焉介休輿圖平坦上
接平遙下交靈石難稱四塞然而蠶簇高峻擁其後
西入雀鼠谷津隘崎嶇水經誇地險爲古戰場綿山
壁立仄徑逡巡足二分垂外又南趨關子嶺列嶂連

介休縣志 卷一
雲人踪罕到直達沁源而其北則界以橫汾中流容
與風揚素波山川映發其亦有方城漢水之思乎選
勝者攬雄槩而抒逸情正不得以平坦少之

十景

綿山晚翠

汾曲秋風

勝水春膏

虹橋夜月

回鑾香刹

花腹慈雲

牛泓雨氣

獅嶺霞光

橋橫鹿岸

乳滴蜂房

舊志載十景按之皆實並非順摭綴成以誇勝仍
存之

城池

城盛也成也盛受國都一成不可毀也而隍實護之
介自晉迄隋唐數被兵城毀者屢矣築之濬之固於
金湯非衛民之首務哉

城外磚內土周圍八里高三丈五尺基濶三丈二尺女
牆高五尺門四東曰捧暉西曰臨津南曰迎翠北曰
潤濟門外石橋各一

通志云魏孝靜帝時始建遷翔州軍備禦外患築土
爲垣按魏書地形志西河郡介休有介休城是北魏
介休不復治漢故城其所置者在今縣東南二十五

介休縣志 卷一
里元和郡縣圖志云後魏明帝時爲賊所破至孝靜
帝更修築遷翔州軍人鎮之因立爲南翔州但領軍
人不領郡縣然則卽魏之介休縣城宜建自太和中
至孝靜但修之耳非始建也其城在今縣東南而非
今之縣治以水經注考之今縣治實漢故城當晉惠
帝永興卽爲劉淵將喬晞攻破矣

明正統十四年景泰元年知縣王儉彭鏞相繼修葺四
門建譙樓正德二年知縣郝榮於城四隅增設小樓
隆慶元年知縣劉旁重修築高一丈二尺幫厚八尺
增敵臺一百十餘座濶二丈作窩舖於其上萬曆二

十六年知縣史記事增築西門南門藩城豎懸樓一
十有六增窩舖一十有四崇正四年秋霖城崩數十
丈知縣李雲鴻設法修固六年南城崩數十丈七年
又崩知縣張諭聖重修由御史張煊奏請也

國朝康熙十四年東城崩三十餘丈知縣趙端重修二
十五年知縣李應龍修四門譙樓四隅角樓三十年
秋淫雨東城崩三十餘丈知縣王埴修築三十四年
四月初六日地震塌堞口二百五十四處嗣內外城
亦多毀損知縣王埴均修復之乾隆二十年署知縣
康勤修繕南門二十七年知縣葉楷葺堞口二處補

修一百十四丈三十一年知縣吳步青修西城二十
丈三十四年知縣王謀文修堞口二十一處重建角
樓四座歲久復多傾圮嘉慶二年知縣祝德全捐俸
首創在城紳士張煥等共捐銀一萬三千兩有奇繕
治樓堞並葺四門順城關加以鐵葉包裹詳碑記
關城包城東北二面內外皆土築長一千一百餘丈

明嘉靖元年邑民董裳等磚甃北關門樹鐵柵以洩水
萬曆三年知縣康又民磚甃東北關門增築圍城崇
正十三年邑人御史張煊奏准外面易土爲磚知縣
徐擢李若星董成之門五水門二編修劉正宗撰記

國朝乾隆三十四年知縣王謀文增建角樓三座高二
丈四尺深廣各一丈二尺

池環城東西南三面深廣各二丈
明隆慶二年知縣劉旁重濬之

國朝乾隆三十四年知縣王謀文因河道久淤自城南
村疏至西濠達韓屯村長二千七百二十二丈由南
濠繞城而北計長一千三百五十一丈又從沙河橋
鑿北河一道入梁家堡長三百五十八丈合流注汾
五十八年知縣徐大緯復濬濠二千餘丈

嘉慶二十四年知縣陸元鏞督率典史陳聖鏞暨紳士

李城等繕治北城之塌毀者五丈餘西城垣土內削增築之併修各堵水溜重甃北關出水門南門外炭渣堆積起移以濬城濠疏通城內東大街溝道掘水洞深六尺長五十丈上下周圍各砌以石又買比連董族之地十三畝開挖池塘備霖雨積水歸焉工成城關捐銀姓氏並經營巔末當勒石以記

城內東西街一條 南北街一條 巷二十六條

段家巷 草市巷 三官巷 在東街南 宋家巷 胡家園

在東街北 鐘樓巷 喬家後巷 在西街南 廟底巷 在西街北 董家巷

絹市巷 祠堂巷 文廟巷 李家巷 在南街東 蒜市

巷 孟家巷 堡上巷 温家巷 在南街西 朱家巷 武

家巷 三奇巷 侯家巷 燕家巷 郭家巷 圓

門巷 俱在温家巷內 猪市巷 在北街東 梁家巷 在北街西

坊表

儒林坊在文廟巷口

勅贈坊在南街 二坊建立無考

鵬飛坊在南街 為永樂丁酉科舉人武允郭鼎建

亞魁坊在南街 為宏治甲子科舉人正定府同知趙承

經元坊在西街 為嘉靖戊午科舉人李希松建

從龍坊在西街 為成化戊子科舉人澂江府知府温康

折桂坊在西街

為成化庚子科舉人山東章邱縣知縣溫燁建

繡衣坊在東街

為成化丁未科進士巡按御史文瑞建

登雲坊在北街

為成化甲辰科進士張翼建

都憲坊在北街

為陝西甘肅巡撫張翼建

騰蛟坊在南街

為宣德乙卯科舉人直隸威縣知縣王潤建

步蟾坊在西街

為宣德乙卯科舉人王潤建

流芳坊在岳家灣

為貢生三原縣知縣岳宗建

登第坊在西街

為成化乙酉科舉人鈕紳建

掇科坊在文家莊

為成化乙酉科舉人張綱建

歲進士坊在南街

為貢生邠州判官石齊建

名著汝南光生冀北坊在南街

為宏治壬子科舉人河南羅山縣知縣陞山東

萊州府通判石瓚建

澤流畿輔慶衍雲祚坊在南街

為成化甲午科舉人寶坻縣知縣馬驥子拔貢

生璧四代孫歲貢生成龍五代孫天啓甲子科舉人初登建

月殿傳香恩褒奕世坊在南街

為萬曆戊子科舉人長蘆運同燕汝靖建

天寵褒榮坊在段家巷

為贈徵仕郎光祿寺典簿董洪建

祖孫並美坊在文家莊

為景泰庚午科舉人武琦嘉靖己酉科舉人武道修建

會魁坊在東街

為萬曆癸丑科會試第五名董承業建

父子容臺坊在北關

為贈中憲大夫太常寺少卿董讓子太常寺少卿董承業建

父子御史坊在北關

為贈交林郎巡按福建監察御史喬峻子監察御史承詔建

進士坊在東關

為崇正戊辰科進士張煊建

兩世豸繡坊在北關

為贈文林郎江西道御史張汝桐子御史煊建

冲霄坊在文家莊

為嘉靖丙午科舉人陝西鎮安縣知縣賈公儼建

貞節坊在堡上巷

為宋尚志妻文氏建

節婦坊在西街

為羅維妻宋氏建

節烈坊在喬家巷

為茹連科妻梁氏建

節婦坊在東街

為宋彬妻羅氏建

關隘

雀鼠谷縣西南二十里水經汾水又南過冠爵津酈道

元注云汾津名也在介休縣西南俗謂雀鼠谷數十

里間道隘左右悉結偏梁閣道纍石就路榮帶巖側

或去水一丈或高五六尺上戴山阜下臨絕澗介休

所屬乃入谷之口蓋通古之津隘也北周建德五年

帝至晉州遣齊王憲率騎二萬守雀鼠谷大業十二

年太原留守唐公破甄翟兒於雀鼠谷唐武德三年

秦王追宋金剛至雀鼠谷日中八戰金剛走介州官

軍迫之以餘衆二萬出西門背城陣方輿紀要云雀

鼠當往來之要路水經注謂之地險至今猶是也

義棠鎮縣西二十里與靈石接壤南依山阜北臨汾水

為通衢鎖鑰實一邑藩籬堡門歲久傾圮乾隆三十

四年知縣王謀文捐俸二百金重修

張蘭鎮縣東四十里孔道咽喉亦縣東屏蔽四面舊築土垣康熙五十八年重修乾隆十七年設立巡檢二十二年裁移汾州府同知駐此

關子嶺縣東南六十里與沁源接界茂林峻嶺地僻人稀賊盜不時出沒明洪武五年曾設巡檢防緝天啓五年裁

驛站

明初立水馬站站設提領官經營後改站爲驛改提領爲丞

義棠驛舊在義棠鎮明宏治十二年知縣忽中驛丞崔政議遷於北關

國朝雍正八年裁驛丞歸縣管轄馬號在縣署東

驛馬七十九匹馬夫三十九名半

額定一歲支工料夫兩馬

歲支工料

銀三千二百六十四兩有奇先後撥去保德州王官人屯趙城縣馬十三匹又從利民站八角站余吾驛禱亭驛先後撥入馬十一匹今存馬七十七匹馬夫三十八名半歲支銀三千一百二十五兩有奇又官支銀三百兩

廠夫九十名歲支工食銀一千一百二十三兩有奇

驛路東至平遙縣洪善驛八十里西至靈石縣瑞石驛八十里

按義棠驛路視他邑較長東至平遙洪善驛中四十里爲張蘭鎮必於此少息過夜入旅店就宿未免擾累乾隆三十三年知縣王謀文在張蘭賃店一間爲駐足之所今已於張蘭比連之郝家堡內建立館舍冠蓋往來得所棲止

總舖在縣治大門外

舖兵四十名每舖四名

東十里至宋脂舖又十里至湛泉舖又十里至王里舖又十里至南張舖五里至郝張舖又五里至田堡

舖十里至平遙縣陳村舖凡六舖

西五里至內封舖十五里至義棠舖十里至靈石縣冷泉舖凡二舖

西北由義棠舖十里至劉屯舖又十里至孝義縣王屯舖

防汛

舊設步兵十一名乾隆二十八年添步兵十名又四十年添設制識兵一名共二十二名義棠鎮步兵六名馬兵五名營房十間墩臺一座烟墩五座西石門步兵五名營房十間墩臺一座烟墩五座東

石門步兵五名營房十間墩臺一座烟墩五座沙
 堡村步兵五名營房十間墩臺一座烟墩五座鹽
 場舖卽鹽張店步兵五名湛泉鎮步兵五名營房
 十間墩臺一座烟墩五座張蘭鎮馬兵五名步兵
 五名營房十間墩臺一座烟墩五座

原額民壯五十名雍正十三年裁十五名存弓箭手
 十五名烏鎗手二十名乾隆三十一年奉文弓箭
 俱改烏鎗隨營操演

嘉慶十七年奉

旨查整各直省營房墩臺知縣徐品山按汛勘驗大加

修葺

鄉村 附

東鄉一百二村

文家莊 下莊村 宋胎村 馬女村 三佳村

宋丁村 曹麻村 温村 新莊兒 郭家村

石屯村 褚屯村 小褚屯 西胡龍 東胡龍

磨溝村 席村 洪山村 張家莊 下磨頭

宋家村 東狐村 西狐村 焦寺村 沙堡村

義安村 西湛泉 東湛泉 三道河 兩水村

新莊村 大許村 東大期 西大期 東劉屯

張良村 劉家山 馬家山 用角里 南辛武

北辛武 董村 霍村 孟村 新莊

南鹽場 北鹽場 武屯村 李屯村 嫌場村

下莊頭 楊屯村 西楊屯 西子頭 彈花溝

王里村 猗男村 上李侯 下李侯 鑑里村

郝家堡 張南村 北張村 大甫村 北賈村

田堡村 小田堡 南賈村 史村 張原村

仙臺村 泉泉村 郇城 馬壁村 石場坂

西里村 東里村 上梁村 下梁村 桃溝村

張家莊 獅崖頭 陸家莊 木壁村 前樊王

後樊王 船窟村 後崖頭 柳溝村 西埜村

化家窰 北山頭 前山頭 圪澇泉 趙家窰

關頭村 板峪村 桑兒峪 張村 南窰頭

孫村 東神村

西鄉二十二村

梁家堡 吉那村 羅王莊 大宋曲 小宋曲

孫暢村 大安村 西內封 義棠 劉屯村

師屯村 郭壁村 白水村 白岸村 璠屯村

北角頭 要力村 田村 南莊村 段村

圪塔頭 嶺壁村

南鄉六十二村

東內封 岳家灣 上城南 下城南 南靳屯

西靳屯 冀家莊 劉家山 常樂村 城寺村

董家莊 河底村 靳凌村 保和村 小場村

後莊 南莊村 北莊村 謝峪村 遐壁村

大郎神 吳家山 黨峪村 洪莊 小山頭

東歡村 西歡村 團棗凹 梁家村 侯堡村

秦樹村 麻凹村 長壽村 興地村 槐志莊

萬光村 陶家莊 馬堡村 大靳村 野場

龍頭村 焦家堡 河村 柳樹坪 張壁村

馬跑泉 東區村 四家窩 西宋壁 瓦甕村

桃平村 袄子嶺 峪子村 河東村 小志村

小靳村 石河村 崇賢村 宋壁村 渠池村

圪塔村 團園村 舊志作獨樂

北鄉二十五村

韓屯村 趙家堡 李家堡 上站村 下站村

宋安村 橋頭村 東段屯 西段屯 洪善村

那村 降家寨 洪相村 劉家寨 樂善村

孫家寨 孔家堡 桑柳村 萬戶堡 宋家塔

中街村 禮城村 小圪塔 霍家堡 北張家莊

堡寨 附

南張堡 即張蘭鎮 郝家堡 田堡 北賈村堡 北張里

南堡 北張里中堡 北張里北堡 張原村堡

大甫村堡 南堡 曹麻村堡 義安村堡 胡龍堡 兩

水村堡 溫村堡 三佳村堡 史村堡 張家堡

石河 南北二堡 仙臺堡 西段屯堡 宋安村堡 宋胎

村堡 下莊堡 義棠堡 即義棠鎮 馬女村堡 孫暢村

南北二堡 大宋曲 東西二堡 湛泉堡 即湛泉鎮 東內封堡 岳家灣

堡 南靳屯堡 城南 上下二堡 梁家堡 羅王莊堡

閻家堡 趙家堡

關子嶺寨 師屯寨 劉屯寨 龍頭寨 胡龍寨

仙臺寨 史村寨 與地寨 東西二寨

西關 每逢四八日集 二月初六至十五日會 七

月十六至二十五日會

張蘭鎮 每逢單日集 三月初一至初十日會 九

月二十一至三十日會

西段屯 正月十五日會 十月初七至初九日會

義棠鎮 三月十七日會 九月十七日會

孔家堡 二月初一至初三日會 十月初一至初二

日會

介休縣志 卷一
板峪村 三月十五日會

湛泉鎮 十月十五至十七日會

以上各日期俱收畜稅

兵祥

國有大事戎是也其兆必先見之五行春秋於祥異弗之削凡以彰天戒用防其漸耳况箕畢之占實關民好五星同色相慶偃兵歷有明徵矣我

朝休養生息百七十年來無烽燧之警而偶然災祲胥昭垂象合而書之司牧者其可忽諸

兵

周晉穆侯有千畝之戰杜注千畝在介休縣南

漢高祖三年韓信破夏說於鄆

晉大安二年偽漢遣喬晞攻介休破之

介休縣志 卷一 三
北魏孝昌二年山寇擊破邑城

北周建德五年冬十月遣齊王憲率精騎二萬守雀鼠

谷柱國趙王率步騎一萬自華谷攻齊汾州諸城十

有二月景辰師次介休齊將韓建業舉城降

隋仁壽二年楊素帥師討漢王諒引奇兵自霍山緣崖

谷而進諒所署介州刺史梁修羅屯介休聞素至懼

棄城走

大業十三年太原留守唐公破甄翟兒於雀鼠谷

唐武德二年夏劉武周使黃子英寇雀鼠谷高祖遣左

武衛大將軍姜寶誼擊之賊輕甲挑戰師接而三遁

逐之伏發寶誼爲賊所執秋裴寂拒劉武周宋金剛

於介休軍潰宋金剛遂據介州 三年秦王世民奉

詔擊宋金剛於栢壁金剛走介州秦王追及雀鼠谷

一日八戰大破之偏將尉遲敬德合餘衆守介休王

遣諭乃舉城降

宋靖康元年十月金兵陷汾州脇降介休 金史太宗

紀天會四年九月鶻沙虎取介休等縣

明嘉靖二十一年七月朔介休晝晦星見如深夜俺答

大舉入寇直薄城下破石屯王里二堡

隆慶元年九月十五日俺答自向陽峽入境多被殺掠

崇正四年五月初十日流賊由田屯入義棠知縣何騰蛟嚴守賊駐三日而去 五年流賊自沁源入興地村肆掠知縣李雲鴻募兵守禦賊知有備逸去 六年叅將虎大威從巡撫許鼎臣擊賊介休殲其魁九條龍 十七年逆闖自平陽入境士民驚竄

國朝順治元年逆闖遁歸西安道出介休復被劫掠

六年流賊餘黨姜瓖王顯名攻陷郡城肆掠縣境

祥災附

漢武帝元狩二年汾濱有光如絳舊通志

東晉成帝咸和七年即石勒建平三年寇起西河介山大如雞

子平地三尺洿下丈餘行人禽獸死者萬數樹木摧

折禾稼蕩然晉書

北魏宣武帝正始元年五月壬申靄霜殺稼靈徵志

唐高宗龍朔三年冬十月丙申麟見於介山舊唐書

睿宗景雲二年正月甲戌地震壞廬舍民有壓死者五行

志按舊唐書作三年

宋仁宗慶曆七年九月稼禾合穗五行志

元成宗大德七年地震成渠泉涌黑沙五行志

順帝至元十一年冬十月己丑太白晝見大文志十四年

夏四月癸巳朔地震泉湧元史十五年冬十一月戊戌

桃杏花

元史

十九年秋七月蝗八月復蝗食禾稼草木

俱盡所至蔽日人馬不能行

五行志

二十年自四月至

秋不雨

五行志

二十六年六月壬子朔地震七月辛巳

朔大水

元史

大星如斗自西南而落

府志

二十八年六月

壬戌地震

府志

明武宗正德四年七月綿山水大漲平地起波丈餘衝

入迎翠門幾沒居舍忽城南地裂里許濶二丈深不

可測水盡洩於此 八年黑眚見於境中為狀不一

傷人輒有血痕居民咸鳴金鼓明燈達旦以警備之

彌月乃止

世宗嘉靖元年大稔 二十一年七月朔日食既晝晦

星見如深夜 二十八年春三月地震居民傾折無

算 三十五年大有年

神宗萬曆十四年旱大饑 十五年四月隕霜殺稼百

姓流徙餓莩載道 十七年縣庭西梁產靈芝十六

莖教諭趙璿有贊次年復苗一莖知縣王一魁以詩

紀其事

樹碑來山亭今失

二十六年大旱至二十七年七月

猶不雨知縣史記事多方賑濟民賴存活 二十八

年正月初十日巳時天鼓自西北大鳴流於西南隨

有白氣一道經天踰時方散 三十三年夏大雨綿

山水漲夜半入迎翠門民居多被滄沒 三十八年
秋七月旱饑九月疫癘多喉痺一二日輒死 四十
六年四月二十六日卯時地大震有聲如雷城垣邑
屋傾塌殆盡民多壓死夜二鼓又震五月初一日又
震

懷宗崇正四年八月淫雨月餘滄塌東城半壁民舍傾
圮無算 七年夏有流星出參宿間有聲紅光如縷
直垂至地良久方滅冬十二月二十四日夜空中火
光如斗自西起落於東南經過有聲 八年正月十
四日卯時地震十九日夜空中東北有聲如濤占者
謂之城吼是年秋旱 十年春不雨 十一年夏旱
無麥六月每辰東方赤色秋旱 十二年秋八月淫
雨蝗食禾如掃冬彗星入北斗 十三年冬十二月
夜空中有赤光數十丈起西南落於東北 十四年
夏五月霖雨秋九月大水粟麥翔貴 十五年夏四
月隕霜殺麥九月霖雨 十七年六月雨雹蝗噬稼
國朝順治二年夏五月地震雨雹傷麥閏六月大水自
迎翠門衝入平地高五六尺民房淹塌無算 三年
四月十三日太白經天五月雨雹 四年夏六月飛
蝗蔽天食禾黍葉皆盡 五年夏五月朔日食日中

如晦 七年夏五月有蝗四境擊金鼓驅逐如禦賊
狀 八年夏六月大水衝入迎翠門 九年夏六月
十六日大雨至七月初三日乃止 十年春三月朔
雨雪冬月城中井凍 十一年夏六月地震秋七月
汾河西移二十里 十二年夏四月雨雹

康熙四年夏五月太白經天彗星見 十一年六月綿
山鳴如雷移時乃已 十八年七月十八日巳時地
震 十九年二月十九日地震 二十一年十月初
十日申時地震鐘墮樓下民房毀塌無算 二十三
年秋七月霖雨月餘民舍多傾倒 二十八年二月

十七日戌時有流星光如日自東南流墜西北擲地
有聲 二十九年野蚘傷黍 三十年三月朔雨雪
殺麥五月旱大風折木七月野蚘食苗閏七月霖雨
東城圯數十丈歲大饑諸粟翔貴餓孳載道 三十
二年四月大旱五月霖雨水溢滄稼 三十四年四
月初六日酉時地震八月隕霜殺稼 三十五年秋
隕霜殺稼 三十六年夏大旱 三十八年閏七月
兩雹殺稼 五十九年旱無禾 六十年旱無麥斗
米至八九錢 六十一年夏秋大旱疫死民人無算
雍正三年十一月地大震 四年大稔 五年夏六月

雨雹殺稼 六年大稔 十年宋胙村燕居宇妻武氏一產三男

乾隆十七年秋八月雨雹殺稼 二十一年夏五月霪雨東西大期席村渰田禾六十餘頃 二十二年秋七月霪雨汾河溢渰中街辛武等八村田禾八十餘頃廬舍大半衝塌 二十三年六月望大雨三日汾河溢渰禮城鹽場等十八村田禾三百餘頃 二十四年夏秋大旱無禾斗米一兩三錢 二十五年夏四月雨雹殺稼 二十六年秋七月大水 三十三年夏六月霪雨汾河溢 四十年夏六月霪雨經旬

汾河溢渰下莊等三十六村禾稼 四十一年夏五月汾河溢渰北張家莊等十四村禾稼 五十九年秋八月野蚘食禾是月復冰雹傷稼

嘉慶五年秋七月大雨汾河溢 七年秋七月汾河溢渰田禾 九年歲饑 十年歲饑 十一年夏六月秋七月大水渰張家莊等十八村禾稼 十二年夏六月大雨汾河溢

109509

介个鼎志

卷一

三

